

Od živopisnih ulica Seula, preko hramova i čajnih kuća Kyota, pa sve do blještavih neonskih svjetala Tokija!

EKSKLUZIVNA AZIJSKA TURNEJA

JUŽNA KOREJA I JAPAN

1. DAN – SARAJEVO ➔ ISTANBUL (11.04.2026.)

Okupljanje grupe na **Međunarodnom aerodromu Sarajevo** dva sata prije leta. Polijetanje aviona kompanije **Turkish Airlines (TK 1026)** u **20:40h** prema Istanbulu. Po slijetanju slijedi presjedanje na daljinski let **TK 90V** za Seul, sa polaskom u **01:45h** (u noći između 11. i 12. aprila).

2. DAN – ISTANBUL ➔ SEOUL (12.04.)

Dolazak u **Seul** u **17:40h** po lokalnom vremenu. Nakon pasoških i carinskih formalnosti, transfer do hotela u centru grada. Smještaj i slobodno vrijeme za odmor nakon dugog putovanja. **Noćenje u Seulu.**



3. DAN SEOUL (13.04.)

Nakon doručka u hotelu, krećemo u cjelodnevni obilazak glavnog grada Južne Koreje – dinamičnog i kontrastima bogatog Seula.

Našu turu započinjemo posjetom veličanstvenoj palati **Gyeongbokgung**, najvećoj i najznačajnijoj od svih pet kraljevskih palata u gradu, koja oduzima dah svojom arhitekturom i bogatom historijom. Nakon toga odlazimo u **Bukchon Hanok Village**,

tradicionalno korejsko selo sa stotinama očuvanih drvenih kućica, gdje ćemo uživati u autentičnom ambijentu i jedinstvenom pogledu na spoj starog i modernog Seula.

Slijedi šetnja kroz živopisnu **Insadong ulicu**, poznatu po galerijama, suvenirnicama i čajdžinicama, gdje ćete imati slobodno vrijeme za kupovinu originalnih rukotvorina i suvenira. Nakon odmora, obilazak nastavljamo kod impresivne **Dongdaemun Design Plaza**, futurističkog arhitektonskog čuda koje je postalo simbol modernog Seula.

Naša ruta nas dalje vodi do prostranog i inspirativnog **Olympic Parka**, a dan završavamo u srcu grada – na svjetski poznatoj **Myeongdong shopping ulici**, omiljenom mjestu i lokalaca i turista. Ovdje vas očekuje beskrajn izbor trgovina, kozmetičkih brendova, kao i štandova sa najukusnijom korejskom uličnom hranom. Povratak u hotel. Slobodno vrijeme za vlastite aktivnosti. Noćenje.



4. DAN – Demilitarizirana zona SJEVERNA KOREJA (14.04.)

Nakon doručka u hotelu, polazak na cjelodnevni izlet u **Demilitariziranu zonu (DMZ)** – jedno od najfascinantnijih i najposjećenijih mjesta u Koreji. Ovaj izlet pruža jedinstvenu priliku da se izbliza upoznate s historijom i podjelom Korejskog poluotoka.

Prva stanica je **Imjingak Park**, memorijalni kompleks posvećen Korejskom ratu, gdje ćemo vidjeti most slobode i brojne spomenike posvećene ponovnom ujedinjenju. Slijedi posjeta **3. infiltracijskom tunelu**, jednom od najpoznatijih tunela koje je Sjeverna Koreja iskopala s namjerom da se uđe u Južnu Koreju.

Zatim odlazimo do **Dora opservatorije**, sa koje se pruža nevjerovatan pogled na teritorij Sjeverne Koreje i sela smještena neposredno uz granicu. Posjećujemo i **Dorasan željezničku stanicu**, simbolički sagrađenu da poveže Sjever i Jug kada dođe do ponovnog ujedinjenja. Tokom obilaska, imat ćete priliku čuti priče o podjeli Koreje, životu ljudi uz granicu i značaju DMZ-a u savremenom svijetu. U povratku prema Seulu, predviđen je kraći

predah i slobodno vrijeme za ručak. Dolazak u hotel u poslijepodnevni satima. Slobodno vrijeme za vlastite aktivnosti.

Večernja posjeta – Gangnam distrikt

Nakon povratka sa dnevnog obilaska, u večernjim satima krećemo u istraživanje najmodernijeg dijela Seula – **Gangnam distrikta / metro**. Ova četvrt, sinonim za luksuz i glamur, poznata je po prestižnim trgovinama, modernim kafićima i vrhunskim restoranima.

Šetnja kroz Gangnam pruža savršen uvid u urbani noćni život Seula: od svjetlucavih nebodera i luksuznih brendova do mladalačke atmosfere prepune energije. Ovo je i mjesto koje je postalo globalno poznato zahvaljujući hitu **“Gangnam Style”**, a danas predstavlja simbol savremenog, kosmopolitskog Seula. Za ljubitelje gastronomije, ovdje se može uživati u bogatoj ponudi korejske kuhinje – od poznatih BBQ restorana do trendovskih barova i lounge klubova. Slobodno vrijeme za individualne aktivnosti i doživljaj Gangnama na vlastiti način. Povratak u hotel. Noćenje.



5. DAN – SEUL ➔ OSAKA (15.04.)

Odjava iz hotela i transfer na aerodrom (bez doručka). Rani jutarnji let za **Osaku**, drugi najveći grad Japana i srce regije Kansai. Po slijetanju doček i transfer do hotela. Kratko vrijeme za odmor nakon puta.

U popodnevni satima krećemo u prvi susret s ovim fascinantnim gradom, poznatim kao **„kuhinja Japana“** i simbol modernog urbanog života. Obilazak započinjemo kod imponantnog **Osaka dvorca (Osaka-jō)**, jednog od najpoznatijih simbola Japana, smještenog u prostranom parku okruženom zelenilom, vrtovima i jezerima.

Nakon toga slijedi odlazak u živopisnu četvrt **Dotonbori**, srce zabave i gastronomije Osake. Ovdje ćete doživjeti pravi festival svjetla i boja – ogromne neonske reklame (među kojima se ističe legendarni **Glico Man**), ulice prepune restorana i štandova s lokalnim specijalitetima poput **takoyakija** (loptice od hobotnice) i **okonomiyakija** (japanska slana palačinka).

Slobodno vrijeme za individualne aktivnosti, šoping ili uživanje u jedinstvenoj atmosferi ove živahne četvrti. Povratak u hotel i **noćenje u Osaki**.

6. DAN – IZLET U KYOTO (autobusom iz Osake) (16.04.)

Doručak u hotelu. Polazak autobusom prema Kyotu (oko 1 sat vožnje). **Kyoto**, nekadašnja prijestolnica Japana više od hiljadu godina, i danas predstavlja pravo srce japanske tradicije i kulture.

Prvu stanicu pravimo kod veličanstvenog **hrama Kinkaku-ji (Zlatni paviljon)**, jednog od najpoznatijih simbola Japana, čija fasada prekrivena zlatnim listićima blista na površini mirnog jezera. Nakon toga odlazimo u čarobnu **Arashiyama četvrt**, gdje ćemo prošetati kroz čuvenu **bambusovu šumu** i uživati u jedinstvenom spoju prirode i tradicije.

Slijedi ručak (fakultativno, u jednom od lokalnih

restorana), a potom posjećujemo veličanstveni **hram Fushimi Inari Taisha**, prepoznatljiv po hiljadama crveno-narančastih torii kapija koje se protežu planinskom stazom i stvaraju nezaboravan prizor.

Na povratku, zaustavljamo se kod jednog od najemotivnijih simbola Japana – **spomenika Hachiku**, legendarnom psu poznatom po svojoj odanosti i vjernosti. Ovdje ćete imati priliku čuti priču koja je ganula cijeli svijet i fotografisati se uz ovo posebno mjesto.

U kasnim poslijepodnevni satima odlazimo u staru četvrt **Gion**, poznatu po tradicionalnim drvenim kućama i gejšama koje i danas njeguju običaje starog Japana. Slobodno vrijeme za individualne šetnje i fotografisanje.



U večernjim satima povratak autobusom u Osaku. Dolazak u hotel i noćenje.

7. DAN – IZLET U NARU (autobusom iz Osake) (17.04.)

Doručak u hotelu. Polazak autobusom prema **Nari**, gradu koji je bio prva stalna prijestolnica Japana i koji se smatra kolijevkom japanske kulture i budizma. Put traje oko **1 sat vožnje**.

Obilazak započinjemo posjetom veličanstvenom hramu **Tōdai-ji**, u kojem se nalazi najveća bronzana statua Bude u Japanu – **Daibutsu**. Sam hram je pod zaštitom UNESCO-a i jedan je od najimpresivnijih sakralnih objekata u zemlji. Nakon toga ulazimo u prostrani **Nara Park**, gdje se slobodno kreće na stotine pitomih jelena. Prema vjerovanju, oni su božanski glasnici i danas su simbol ovog grada.



Posjetioci imaju priliku nahraniti

jelene posebnim keksima koji se mogu kupiti u parku. Slijedi posjeta **Kasuga Taisha hramu**, poznatom po stotinama kamenih i bronzanih lampiona koji krase staze i ulaze.

U poslijepodnevnom satima slobodno vrijeme u centru Nare za šetnju, kupovinu suvenira ili degustaciju lokalnih specijaliteta poput „kakinoha zushi“ (sushi zamotan u listove persimona).

U kasnim popodnevnom satima povratak autobusom u Osaku. Dolazak u hotel i noćenje.



8. DAN – OSAKA → TOKIO (18.04.)

Nakon doručka u hotelu slijedi odjava i transfer na željezničku stanicu. Vožnja **Shinkansen brzim vozom** do Tokija traje oko **2,5 – 3 sata**, a tokom putovanja pružaju se prizori japanskih krajolika, rižinih polja i planinskih lanaca. Dolazak u **Tokio**, velegrad u kojem se susreću tradicija i futurizam, smještaj u hotel i kraći odmor nakon puta. U poslijepodnevnom satima krećemo u **prvi susret s japanskom metropolom**. Obilazak započinjemo u **Asakusi**, četvrti koja odiše tradicionalnim duhom Tokija. Tu se nalazi

čuveni **Sensō-ji hram**, najstariji i najposjećeniji hram u gradu, poznat po svojoj monumentalnoj kapiji Kaminarimon i velikom crvenom lampionu. Slijedi šetnja kroz **Nakamise-dori ulicu**, prepune malih trgovina, suvenirnica i štandova sa slatkišima i japanskim grickalicama – idealna prilika da doživite atmosferu starog Tokija. Nakon toga odlazimo do **Carske palače i vrtova**, smještenih u srcu grada, gdje se tradicija imperijalne porodice spaja sa modernim neboderima oko nje. Prošetat ćemo mirnim vrtovima i uživati u kontrastu prirode i metropole.

Veče posvećujemo modernom i vibrantnom Tokiju. Prva stanica je čuvena **Shibuya**, sa najslavnijim pješačkim prelazom na svijetu i ogromnim video ekranima koji stvaraju pravi urbani spektakl. Zatim odlazimo u **Harajuku – Takeshita Street**, poznatu po mladalačkoj modi, neobičnim trendovima i kafićima koji odišu energijom japanske pop-kulture. Dan završavamo u **Shinjuku distriktu**, dijelu grada koji nikada ne spava – četvrti nebodera, restorana, karaoke barova i svjetlucavih reklama koje Tokiju daju prepoznatljiv futuristički izgled. Povratak u hotel. Noćenje u Tokiju.

9. DAN – IZLET NA FUJI & HAKONE (19.04.)

Nakon doručka u hotelu, u ranim jutarnjim satima krećemo na cjelodnevni izlet u podnožje veličanstvene **planine Fuji**, jednog od najprepoznatljivijih simbola Japana. Put nas vodi prema regiji **Hakone**, poznatoj po prirodnim ljepotama, termalnim izvorima i impresivnim pogledima na Fuji.

Prva stanica je slikovito **jezero Ashi**, nastalo u krateru davnog vulkana. Ukravamo se na brodić kojim plovimo mirnim vodama jezera, dok se u pozadini uzdižu planinski lanci i, za vedrih dana, sama planina Fuji. Ovaj prizor



spaja spokoj prirode i snagu japanskog krajolika te ostavlja nezaboravan dojam. Nakon toga slijedi vožnja spektakularnom **Hakone Ropeway žičarom** koja nas vodi do doline **Owakudani** – vulkanskog područja poznatog po fumarolama, sumpornim izvorima i pejzažima koji izgledaju kao da dolaze s druge planete. Posebna atrakcija ovdje su tzv. **crna jaja** (kuhana u termalnim izvorima), za koja lokalno vjerovanje kaže da produžuju život za sedam godina.

Nakon slobodnog vremena za ručak i mogućnost kupovine lokalnih specijaliteta i suvenira, krećemo nazad prema Tokiju. Dolazak u grad u poslijepodnevним satima.

Večer je slobodno za individualne aktivnosti – preporučujemo šoping u luksuznoj četvrti **Ginza**, poznatoj po ekskluzivnim buticima i robnim kućama, ili odlazak na **Odaibu**, futurističko ostrvo u Tokijskom zaljevu prepuno atrakcija, modernih šoping centara i svjetlosnih instalacija. Povratak u hotel. Noćenje u Tokiju.

10. DAN – TOKIO (moderni i panoramski dio grada) (20.04.)

Doručak u hotelu. Dan započinjemo usponom na jedan od najpoznatijih tokijskih simbola – **Tokyo Skytree** (634 m), najviši toranj na svijetu, odakle se pruža spektakularan pogled na metropolu koja se prostire do horizonta. Za one koji žele klasičniji doživljaj, alternativno je moguć uspon na elegantni **Tokyo Tower**, simbol grada u crveno-bijeloj boji. Nakon toga nastavljamo u luksuznu četvrt **Ginza**, poznatu po prestižnim robnim kućama, ekskluzivnim buticima, elegantnim restoranima i umjetničkim galerijama. Slobodno vrijeme za šoping ili uživanje u kafićima i japanskim slastičarnicama.



Popodne je predviđeno za posjetu **Akihabari**, čuvenom distriktu elektronike, anime i manga kulture – idealno mjesto za ljubitelje tehnologije i japanske pop-kulture. Oni koji preferiraju opušteniju atmosferu mogu se odlučiti za šetnju po jednom od gradskih parkova, poput **Ueno parka** ili **Yoyogi parka**. Veče je slobodno za individualne aktivnosti: predlažemo povratak u **Shinjuku** ili **Shibuya** za završne fotografije i uživanje u noćnom Tokiju. Povratak u hotel. Noćenje u Tokiju.

11. DAN – POVRATAK KUĆI (21.04.)

U ranim jutarnjim satima slijedi transfer sa hotela prema **aerodromu Narita (Tokio)** (bez doručka). Nakon obavljanja pasoških i sigurnosnih formalnosti, ukrcaj na direktan let **Turkish Airlines TK 51** za Istanbul u **10:35h**, sa predviđenim dolaskom u **17:45h** po lokalnom vremenu. Po dolasku u Istanbul kratka pauza za presjedanje, a zatim nastavak putovanja letom **TK 1025** za Sarajevo u **18:50h**, sa dolaskom u **19:45h**.

Dolazak u večernjim satima označava završetak našeg nezaboravnog putovanja kroz **Japan – zemlju izlazećeg sunca – i Južnu Koreju – zemlju jutarnje svježine**. Ovo putovanje ostat će urezano u sjećanju po bogatstvu tradicije, jedinstvenoj kulturi i dojmovima koje nosimo kući.

FIRST MINUTE CIJENA ARANŽMANA: 5799 KM

Regularna cijena aranžmana: 5999 KM

Cijena aranžmana obuhvata:

- Avionska karta Sarajevo – Istanbul – Seoul; Tokyo – Istanbul – Sarajevo redovnim letom Turkish Airlines sa uključenim 8 kg ručnog i 23 kg predanog prtljaga, te uključenim aerodromskim taksama
- Transferi aerodrom – hotel – aerodrom
- 3 noćenja u Seoulu u hotelu 4**** sa doručkom (12-15.04)
- Avionska karta Seoul (Incheon apt) – Osaka sa uključenim prtljagom (20 + 6 kg)
- Transfer od aerodroma u Osaki do hotela u Osaki
- 3 noćenja u Osaki u hotelu 3***sa doručkom (15. – 18.04.)
- Transfer od hotela u Osaki do željezničke stanice
- Bullet voz na relaciji Osaka – Tokyo (druga klasa, rezervirana mjesta, bez uključenog velikog prtljaga – prtljag se šalje dan ranije transfernim kombijem / uključeno)
- Transfer od željezničke stanice u Tokyu do hotela u Tokyu
- 3 noćenja u Tokyu u hotelu 3***sa doručkom (18.04. – 21.04.)
- Transfer od hotela u Tokyu do aerodroma u Tokyu
- Avionska karta Tokyo – Istanbul – Sarajevo redovnim letom Turkish Airlines sa uključenim 8 kg ručnog i 23 kg predanog prtljaga, te uključenim aerodromskim taksama
- Usluge lokalnog vodiča na engleskom jeziku tokom cijelog putovanja
- Pratilac iz agencije tokom cijelog putovanja

Cijena aranžmana NE obuhvata:

- Paket svih fakultativnih izleta: 550,00 EUR = 1070,00 KM (plaća se u agenciji prilikom rezervacije)
- Boravnišne takse/pristojbe u hotelima: 90,00 KM
- Putničko zdravstveno osiguranje: 45,00 KM
- Dodatni prtljag kako na letu, tako i na vozu
- Troškove ishođenja viza (Korejska + Japanska): 120,00 KM + 50,00 KM *(okvirna cijena, precizna cijena će biti utvrđena nakon što dobijemo potvrde iz Ambasada, a vezano za grupne vize)*
- Napojnice za vozače i vodiče: 30,00 EUR / osoba
- Doplatu za jednokrevetnu sobu 1500,00 KM
- Ručkove, večere, piće tokom obroka te lične troškove

FIRST MINUTE CIJENA ARANŽMANA VRIJEDI ZA PRVIH 8 REZERVACIJA ILI DO 15.11.2025. god, nakon čega na snagu stupa REGULARNA CIJENA aranžmana.

DETALJI REZERVISANIH TURKISH AIRLINES LETOVA:

1 TK1026 V SA 11APR SJJIST KK20 2040 2340 CABIN YE
2 TK 90 V SU 12APR ISTICN KK20 0145 1740 CABIN YE
4 TK 51 V TU 21APR NRTIST KK20 1035 1745 CABIN YE
5 TK1025 V TU 21APR ISTSJJ KK20 1850 1945 CABIN YE

Kalkulacija rađena na bazi 20 pax. Agencija LAMBADA BUGOJNO zadržava pravo izmjene i dopune programa te te otkaza programa u slučaju nedovoljno prijavljenih klijenata.